

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", broj 30/03 i 42/03) i člana 9. Programa preuzimanja tehničkih propisa ("Službeni glasnik BiH", broj 35/06), Vijeće ministara Bosne i Hercegovine, na prijedlog ministra vanjske trgovine i ekonomskih odnosa, na 127. sjednici održanoj 31. augusta 2006. godine, donijelo je

## **ODLUKU**

### **O PLANU AKTIVNOSTI ZA REALIZIRANJE PROGRAMA PREUZIMANJA TEHNIČKIH PROPISA**

#### **Član 1. (Cilj Odluke)**

(1) Ovom Odlukom Vijeće ministara Bosne i Hercegovine usvaja plan aktivnosti za realiziranje Programa preuzimanja tehničkih propisa ("Službeni glasnik BiH", broj 35/06).

(2) Planom aktivnosti iz stava (1) ovog člana, vrši se raspodjela nadležnosti između institucija Bosne i Hercegovine odgovornih za implementiranje tehničkih propisa nastalih preuzimanjem direktiva novog pristupa Evropske unije u zakonodavstvo Bosne i Hercegovine.

#### **Član 2. (Obim Odluke)**

Pod direktivama u smislu ove Odluke podrazumijevaju se direktive navedene u Aneksu I Programa preuzimanja tehničkih propisa, koje se preuzimaju u zakonodavstvo Bosne i Hercegovine u obliku tehničkih propisa.

#### **Član 3. (Značenje implementiranja tehničkih propisa)**

Pod implementiranjem tehničkih propisa u smislu ove Odluke podrazumijeva se:

- a) prevođenje vodiča Evropske komisije za odgovarajuću direktivu,
- b) izrada domaćeg vodiča za odgovarajuću direktivu,
- c) tumačenje odgovarajuće direktive,
- d) suradnja sa Institutom za standardiziranje Bosne i Hercegovine i odgovarajućim tehničkim komitetima kod preuzimanja standarda koji prate odgovarajuću direktivu,
- e) suradnja sa Odjelom *enquiry point - contact point* Instituta za standardiziranje Bosne i Hercegovine,
- f) prepoznavanje postojećih propisa koje treba staviti van snage,
- g) tumačenje tehničkih propisa koji nastaju preuzimanjem direktive,
- h) suradnja sa Evropskom komisijom, praćenje razvoja i promjena direktiva,
- i) suradnja sa Komitetom za tehničke propise Bosne i Hercegovine,
- j) aktivnosti kod nominiranja tijela za ocjenjivanje usklađenosti i

k) ocjenjivanje usklađenosti proizvoda kada ne postoje nominirana tijela za ocjenjivanje usklađenosti.

**Član 4.**  
**(Nadležnost Ministarstva civilnih poslova)**

Ministarstvo civilnih poslova je nadležno za implementiranje sljedećih preuzetih direktiva:

- a) Direktiva o medicinskim sredstvima br. 93/42/EEC, 98/79/EEC i 2000/70/EC,
- b) Direktiva o aktivnim ugradivim medicinskim sredstvima br. 90/385/EEC i 93/42/EEC,
- c) Direktiva o medicinskim sredstvima u in vitro diagnostici broj 98/79/EC,
- d) Direktiva o ličnoj zaštitnoj opremi br. 89/686/EEC, 93/68/EEC, 93/95/EEC i 96/58/EC,
- e) Direktiva o sigurnosti igračaka br. 88/378/EEC i 93/68/EEC i
- f) Direktiva o emisiji buke u okruženju izazvana opremom za korištenje na otvorenom prostoru broj 2000/14/EC.

**Član 5.**  
**(Nadležnost Ministarstva komunikacija i prometa)**

Ministarstvo komunikacija i prometa je nadležno za implementiranje sljedećih preuzetih direktiva:

- a) Direktiva o evropskim željezničkim sistemima velikih brzina broj 96/48/EC,
- b) Direktiva o rekreativnim plovnim objektima br. 94/25/EC i 2003/44/EC,
- c) Direktiva o pomorskoj opremi broj 96/98/EC,
- d) Direktiva o interoperabilnosti trans-evropskih konvencionalnih željezničkih sistema broj 2001/16/EC,
- e) Direktiva o žičarama dizajniranim za prijenos osoba broj 2000/9/EC,
- f) Direktiva o telekomunikacionoj krajnjoj opremi i međusobno priznavanje njihove usklađenosti broj 1999/5/EC,
- g) Direktiva o liftovima broj 95/16/EC i
- h) Direktiva o građevinskim proizvodima br. 89/106/EEC i 93/68/EEC.

**Član 6.**  
**(Nadležnost Ministarstva vanjske trgovine i ekonomskih odnosa)**

Ministarstvo vanjske trgovine i ekonomskih odnosa je nadležno za implementiranje sljedećih preuzetih direktiva:

- a) Direktiva o niskonaponskoj opremi br. 73/23/EEC i 93/68/EEC,
- b) Direktiva o posudama niskog pritiska br. 87/404/EEC, 90/488/EEC i 93/68/EEC,
- c) Direktiva o elektromagnetnoj usklađenosti br. 89/336/EEC, 92/31/EEC i 93/68/EEC,
- d) Direktiva o uređajima za gas br. 90/396/EEC i 93/68/EEC,
- e) Direktiva o bojlerima za toplu vodu br. 92/42/EEC i 93/68/EEC,
- f) Direktiva o opremi pod pritiskom broj 97/23/EC,

- g) Direktiva o mašinama br. 98/37/EC i 98/79/EC,
- h) Direktiva o zahtjevima za energetsom efikasnosti kućanskih električnih frižidera, rashladnih uređaja i kombinacija jednih i drugih broj 1996/57/EC,
- i) Direktiva o prenosivoj opremi pod pritiskom broj 1999/36/EC i
- j) Direktiva o zahtjevima za energetsom efikasnosti za balast fluorescentnog osvjetljenja broj 2000/55/EC.

**Član 7.**  
**(Nadležnost Ministarstva sigurnosti)**

Ministarstvo sigurnosti je nadležno za implementiranje sljedećih preuzetih direktiva:

- a) Direktiva o uređajima i zaštitnim sistemima namijenjeni upotrebi u prostorima koji su ugroženi potencijalno eksplozivnom atmosferom broj 94/9/EC i
- b) Direktiva o eksplozivima za civilne potrebe broj 93/15/EEC.

**Član 8.**  
**(Nadležnost Instituta za mjeriteljstvo Bosne i Hercegovine)**

Institut za mjeriteljstvo Bosne i Hercegovine je nadležan za implementiranje sljedećih preuzetih direktiva:

- a) Direktiva o neautomatskim vagama br. 90/384/EEC i 93/68/EEC,
- b) Direktiva o instrumentima za mjerenje broj 2004/22/EC i
- c) Direktiva o ambalaži i ambalažnom otpadu broj 94/62/EC.

**Član 9.**  
**(Učešće u radu ekspertnih timova za preuzimanje direktiva)**

Predstavnici nadležnih institucija Bosne i Hercegovine navedeni u članovima 4., 5., 6., 7. i 8. ove Odluke obavezno učestvuju u radu ekspertnih timova za preuzimanje direktiva koje se nalaze u njihovoj nadležnosti.

**Član 10.**  
**(Stupanje na snagu)**

Ova Odluka stupa na snagu danom donošenja i objavljuje se u "Službenom glasniku BiH".

VM broj 212/06  
31. augusta 2006. godine  
Sarajevo

Predsjedavajući  
Vijeća ministara BiH  
**Adnan Terzić**, s. r.